

038

石峯堡紀略

一

五子登科

石  
峯  
堡  
紀

略

風  
雲  
指  
景  
中  
指  
古  
諭  
史  
卷  
首

四庫全書珍本初集  
史部  
紀事本末類

商務印書館受教育  
部中央圖書館籌備  
處委託景印故宮博  
物院所藏文淵閣本



中書臣張經田覆勘

物產圖說  
卷之二  
景中故  
文  
本  
相

欽定四庫全書

欽定石峯堡紀畧

提要

臣等謹案石峯堡紀畧二十一卷乾隆四十

九年奉

勅撰甘肅疆界與西域毗連白帽之族錯居內地

生息蕃衍種類日繁

聖朝統馭四瀛義無歧視列為編戶久等齊民其

間禮拜誦經自行彼教者亦王法之所不禁  
乃不逞之徒倡為新教致有蘇四十三之事  
天弧申討迅速翦除從逆者咸見誅鋤效順者仍  
加涵育

恩威並濟自宜懷畏兼深詐狼子難馴鴉音不改  
肆意罔知懲創自外生成甲辰四月復有田五等  
始次改定煽亂之事封疆大吏其初既經理乘方迨尊  
海文四庫黨蔓延復不能仰承

指示迅合機宜致穿獸釜魚暫稽旦夕

皇上乃

特命重臣

密授方畧雲羅四合飛走路窮掃穴焚巢西陲大

定諸臣敬述始末用紀

神謨其事雖肇於鹽茶廳而逆渠營窟之地在石

峯堡羣凶授首之地亦在石峯堡用以名編

紀其實也首為

御製詩文一卷次排比月日凡諸章奏

批答自出師奏凱以及善後諸事宜無不詳列

臣

等伏而讀之仰見

睿照如神先幾制勝在事諸臣凡仰遵

籌策者無不操券而奏功凡稍違

訓示者無不償轍而失律誠所謂

凝神九天之上而

揆幾萬里之外者矣伏考書契以來以兵定天下

者莫盛於黃帝世傳其中機之銘大旨在於  
曰中必發不失其時故能動必應機方行無  
敵今恭讀是編而敬繹

聖論遲速之義恍然見

心矩所周精若權衡驗如影響較諸黃帝所言更  
深切而著明焉豈非萬世武功之軌範哉乾

隆五十四年二月恭校上

總纂官臣紀昀臣陸錫熊臣孫士毅

總校官 臣 陸 費 墉

卷之二十一

國朝初年，賦役繁重，民不堪命。故之典，獎勵農耕，減輕賦役，以興農業，以裕財用。凡耕者，皆有賞；不耕者，皆有罰。又設立保甲制度，以保全鄉里，防禦盜賊。

自古以來，賦役繁重，民不堪命。故之典，獎勵農耕，減輕賦役，以興農業，以裕財用。凡耕者，皆有賞；不耕者，皆有罰。又設立保甲制度，以保全鄉里，防禦盜賊。

總校官檢討臣何思鈞

欽定四庫全書

欽定石峯堡紀略卷首

天草

御製詩

夏至齋居

廣殿本無暑今年覽有涼自因雨澤足恰適夏朝長  
引見不嫌夥答批偏喜忙甘蘭減小醜昨據李侍堯奏回  
匪田五阿渾等復  
備新教名色糾約夥黨於四月十五日起事攻破西安  
土堡提督剛塔帶兵往捕殺賊甚多并親射斃賊目一

人茲復據李侍堯奏官兵于二十三四等日兩次打仗  
殺頭人田介洪吳二韓二賊逃首犯田五腹中鎗傷在  
馬營水自刎身死餘賊八九十人奔竄現  
已添派官兵上緊追趕不日即可叢事  
**弗慶祇慙惶**

至避暑山莊即事書懷

嶺度廣仁曉旭殷宮臨避暑敞雲闕幾經絕域策耆定  
乙亥年平定準噶爾己卯年平定回部及丙申適值演  
年平定金川籌畫軍務多在山莊駐蹕屢有詩  
池逞鞠頑今年五月啓蹕來熱河適李侍堯等奏新教  
池逞鞠頑逆回田五等糾衆滋擾田五及賊目田介洪  
吳二韓二等均已就殲餘黨李鬍子馬鬍子復勾結餘  
黨竄入馬家堡屢經傳諭該督等嚴防後路庶免賊人  
乘間竄逸兵頓徒稱因阻雨賊逃預計竟翻山昨據剛塔奏  
兵頓徒稱因阻雨賊逃預計竟翻山餘賊竄據馬

家堡後因該處大雨軍裝火器潮濕山路陡滑難行現  
拿卡謹守俟天晴設法辦理朕彼時即以賊人困守空  
山當防其從山後逸出經嚴諭防守後路并諭李侍堯  
親往督同搜捕詎五月十三日據李侍堯剛塔先後奏  
到初五日差弁探得馬家堡內惟見空營虛設棍棒又  
覩賊匪乘夜從敵家梁翻山遁去等語果不出前所料  
因傳旨嚴行申飭令其戴罪立功迅速追拿將賊黨盡數擒  
繳毋使一名漏網豫遊肯此疎幾務籌筆忙仍宵旰間

陝甘總督福康安奏洗隆德底店山梁賊匪詩以誌

事

狂回倡新教演池煽孽氛綠旗兵多懦是用遣重臣巴

圖魯侍衛速領掃邊塵

甘省逆回田五等倡興新教糾衆滋擾自四月十五日起事至

令兩月該督提等雖屢經殺賊并殲斃賊目田五等而總督李侍堯不早赴軍營督勦提督剛塔不嚴籌邀戰

又綠營兵丁懦怯無能致賊逃於馬家堡馬營衝兩次翻山逃竄復得糾黨肆出於隆德靜寧伏羌之底店鹿

鹿山石峯堡等處勾結搶掠因命尚書福康安與領侍衛內大臣海蘭察率領巴圖魯侍衛等帶領西安旗兵

及檄調寧夏阿拉善等處官兵進勦並即命福康安為陝甘總督督兵勦賊

次第發京兵健銳火器軍統之以宿將威名天下聞

福康安既啓行復先後命大學士阿桂

尚書復興帶領健銳火器營勁旅二千名分隊前進以期迅掃賊氛雖彼小么麼何足

稱敵人肆掠其罪重迅靖期安民福康安先至旗鼓乃

一新

茲福康安已於六月初七日先抵隆德軍營即命傳旨將李侍堯革職戴罪軍前効力剛塔草職拏

問整頓兵力定期進剿軍威壯盛壁壘一新

逆賊憚喪膽巢穴保死頻石峯

厥巢穴底店為戶門恃此為守禦蟻聚更蜂屯四路直

進攻

逆賊分竄至伏羌城外即據五岱等鐵嶺三百餘名又據傳玉奏於鹿鹿山殺賊六七十名而底店

及潘龍等山梁均劄有賊營為賊人門戶其巢穴則在石峯堡先是屢經傳諭福康安先洗隆德底店等處之

賊再以次搗石峯堡賊巢茲據福康安奏於十一日丑刻挑選奮勇弁兵三四千名分為四路會涼州鎮總兵

蘇靈參領阿滿泰帶固原涼州兵由正路進攻總兵策卜坦三品職銜法靈阿巴圖魯章京等帶延綏肅州寧

夏兵為一路攻其左巴圖魯參領巴達瑪副將和倫帶撒拉爾舊教回兵為一路攻其右阿拉善公多爾濟色